

Wuhódanje

Požohnowanje na zastupnu próstwu swjateho Błažija – w serbskich wosadach prajimy k tomu **šijeswjećenje** – wudźěli duchowny na wopomnjenkim dnju swjateho, **3. februara**, a njedźelu po tym, na někotrych městnach tež hižo na swjedženju Předstajenja Knjeza, 2. februara. Wone zložuje so na **legendu** wo wustrowjenju hólca, kotryž běše **rybjacu kóstk**u spóžrěl. Z požohnowanjom wuprosy **duchowny** za kóždeho jednotliwca, zo by Bóh jeho na zastupnu próstwu swjateho Błažija před choroscemi **šije a přede wšěm złym** zachował. Tele žohnowanje móža tež **njekřescenjo** přijimować, dokelž njejedna so při tym wo **sakrament**.